



ქალაქ თბილისში, მარშალ გელოვანის გამზირის შუა გამყოფ ზოლში დეკორატიული მცენარეების
თანმდევი მომსახურებით (დარგვა, მოვლა-პატრონობის მომსახურება) სახელმწიფო შესყიდვის
ელექტრონული ტენდერის (აუქციონის გარეშე)
სატენდერო დოკუმენტაცია

სარჩევი

1	ინსტრუქცია ტენდერში მონაწილეთათვის	2
2	ტექნიკური მოთხოვნები და წარმოსადგენი დოკუმენტაცია	3
3	სახელმწიფო შესყიდვის შესახებ ხელშეკრულების პროექტი	5
4	დანართი N1 (ფასების ცხრილი)	9
5	დანართი N2 (უნიფორმის ესკიზი)	10

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 იმ შემთხვევაში თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და პრეტენდენტი ვალდებულია წარმოადგინოს ტექნიკური დოკუმენტაციით განსაზღვრული შესყიდვის ობიექტის მსგავსი ან ექვივალენტური მახასიათებლების მქონე საქონელი/მომსახურება. ამასთან, ტექნიკურ დავალებაში მოცემული პარამეტრები არის შემსყიდველის მიერ დადგენილი მინიმალური მოთხოვნები, რომელსაც უნდა აკმაყოფილებდეს პრეტენდენტის მიერ შემოთავაზებული საქონელი.

1.7 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.8 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.9 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, მის: ქ. თბილისი, ჟ. შარტავას ქუჩა N7, მე-15 სართული. საკონტაქტო პირი: სალომე კახიძე, ტელ: +99532 237 85 69. ტექნიკურ საკითხებთან დაკავშირებით საკონტაქტო პირი: ნუგზარ ქინქლაძე, მობილური ტელეფონის ნომერი 599-91-48-21.

2. ტექნიკური მოთხოვნები და წარმოსადგენი დოკუმენტაცია:

2.1 შესყიდვის ობიექტის ტექნიკური პირობები და რაოდენობა:

№	მცენარის დასახელება და სამუშაოების ჩამონათვალი	რაოდენობა/ განზომილება	ჯერადობა		
			2017	2018	2019
1	ლეილანდის კვიპაროსი cupressocyparis leilandii goldrider globe დიამეტრი MIN 0,60-0,80მ(ბურთის ფორმის); კონტეინერის ან კომის მოცულობა MIN. clt 40- 60 ლ	150 ძირი	1	0	0
2	ტუია აღმოსავლური thuya occidentalis „smaragd" სიმაღლე MIN 1,50-1,70მ. კონტეინერის ან კომის მოცულობა MIN.clt.35 (კონუსის ფორმის)	150 ძირი	1	0	0
3	ფოტინია photinia fraseri „red robini" სიმაღლე MIN 1,50-1,70მ. კონტეინერის ან კომის მოცულობა MIN.clt.35 გარშემოწერილობა MIN 1,20 მ (კონუსის ფორმის)	300 ძირი	1	0	0
4	ირმის რქა lagerstroemia indica სიმაღლე MIN 1,50-1,70მ; ერთ ძირზე , ვარჯი MIN.6-8 დატოტვილი ღეროთი; კონტეინერის მოცულობა MIN.clt.35	30 ძირი	1	0	0
5	ნიადაგის ნოყიერი ნაზავის (მიწა, ტორფი, ქვიშა, აგროპერლიტი, ნაკელი) შეტანა	25 მ³	1	0	0
6	ორმოს ამოღების შედეგად წარმოქმნილი და არსებული ნარჩენების გატანა	45 მ³	1	0	0
7	მცენარეების ჯამების მოწყობა და გაფხვიერება	630 ძირი	4	4	2
8	მცენარეების მორწყვა (ძირზე 20 ლიტრი)	630 ძირი	20	22	2
9	მცენარეების შეწამვლა	630 ძირი	1	1	1
10	მცენარეების გასხვლა-გაკრეჭა, ფორმირება	600 ძირი	4	5	1
11	სერთიფიცირებული სასუქის შეტანა	630 ძირი	1	1	1

2.1.1 მცენარის დარგვისას გამოსაყენებელი ძირითადი აგროტექნიკური ნორმები:

1. ნერგის ტრანსპორტირება უნდა მოხდეს სპეციალური კომით ან კონტეინერით, ღერძულა ფესვი არ უნდა ქონდეს ჩაჭრილი და უნდა იყოს თავგადაუჭრელი.
2. ტრანსპორტირებისას მცენარეები დაცული უნდა იქნას გამოშრობისაგან.
3. მცენარე, რომლის დარგვაც ვერ ხერხდება მცირე დროში, დროებით უნდა იქნას ჩარგული ნიადაგში.
4. დასარგავი ორმოების სიდიდეს განსაზღვრავს მცენარეთა ფესვების ფორმა და სიდიდე.
5. ფესვები ბოლომდე უნდა დაიფაროს მიწით, იმ სიღრმეზე, როგორც სანერგეში იყო ჩარგული.
6. ფესვები კარგად უნდა ჩაიტკეპნოს მიწაში, რადგან ფესვებთან დარჩენილი ჰაერი ხელს უშლის წყლისა და საკვები ნივთიერების შეთვისებას.
7. დატკეპნისას არ უნდა მოხდეს მცენარის დაზიანება, რამაც შესაძლოა გამოიწვიოს მისი დაღუპვა.
8. მცენარე დარგვისთანავე უნდა მოირწყას.
9. ორმოს უნდა მოსცილდეს ბალახი და ამონაყარი მცენარეები, რათა დარგული მცენარე კარგად გაიზარდოს.

2.1.2 მიმწოდებელმა უნდა უზრუნველყოს მისაწოდებელი მცენარეების შენახვა შესაბამისი ნორმების დაცვით და შემსყიდველის მოთხოვნებიდან 24 საათის განმავლობაში მიწოდება სატენდერო დოკუმენტაციით განსაზღვრულ ტერიტორიაზე, შემსყიდველის მიერ მოთხოვნილი განხორციელდება საჭიროებისამებრ, იმ შემთხვევაში, თუ გარემო პირობების ან გაუთვალისწინებელი გარემოებების გამო შეუძლებელია ადგილზე მიტანილი ნერგების დარგვა, მიმწოდებელმა უნდა უზრუნველყოს ნერგების შენახვა მომდევნო დაკვეთამდე ისეთ პირობებში, რომ არ დაირღვეს მცენარეთა სასიცოცხლო ფუნქცია.

2.1.3 აგროტექნიკური პირობების დაცვით ექსპლუატაციის შემთხვევაში მიმწოდებელმა უნდა უზრუნველყოს მცენარეების 100%-იანი გახარება/ჩანაცვლება დარგვიდან 2 წლის განმავლობაში (გარდა მიზანმიმართული, მექანიკური დაზიანებებისა და ქურდობის ფაქტებისა). ნერგი დამუშავებული უნდა იყოს სხვადასხვა პარაზიტებისა და სოკოს საწინააღმდეგო პრეპარატებით.

2.1.4 მიმწოდებელს მიერ მიღება-ჩაბარების აქტის გაფორმებისას წარმოდგენილი უნდა იქნას მცენარის იდენტიფიკაციის (მათ შორის პარამეტრების) დამადასტურებელი დოკუმენტაცია, გაცემული შესაბამისი პროფილის მქონე: ორგანიზაციის (შპს, სსიპ, ა(ა)იპ), სამეცნიერო ან საექსპერტო ინსტიტუტის მიერ.

2.1.5 შემსყიდველი უფლებამოსილია ნებისმიერ ეტაპზე მიმართოს პრეტენდენტს და მოახდინოს მისი ნერგების ნიმუშების შემოწმება სატენდერო დოკუმენტაციით განსაზღვრულ პირობებთან მათი შესაბამისობის დადგენის მიზნით. აღნიშნული შემოწმება განხორციელდება შემსყიდველის მიერ საამისოდ გამოყოფილი ინსპექტორების ჯგუფის მიერ და გაფორმდება დათვალიერების აქტით (დასურათებული).

2.1.6 მიმწოდებელი ვალდებულია საგარანტიო პერიოდში უზრუნველყოს დარგული მცენარის მოვლა-პატრონობა საკუთარი ხარჯით.

2.1.7 მიმწოდებელი ვალდებულია დაგეგმილი აგროტექნიკური სამუშაოების გეგმა-გრაფიკი, წინასწარ წერილობით შეუთანხმოს შემსყიდველს.

2.1.8 თუ ადგილი ექნება ისეთ კლიმატურ პირობებს (უამინდობა, უხვი ნალექი და სხვა), რის გამოც ვერ ხორციელდება მომსახურების სავალდებულო ჯერადობა და ასეთის განხორციელება გამოიწვევს არამიზნობრივი ხარჯის გაღებას შემსყიდველის მხრიდან, მიმწოდებელი ვალდებულია, გონივრულ ვადაში აცნობოს შემსყიდველს აღნიშნულის თაობაზე და შემსყიდველის თანხმობის შემთხვევაში, ურთიერთშეთანხმების საფუძველზე შეუსრულებელი მომსახურების ჯერადობა გადაინაცვლებს მომდევნო თვეში (ან საერთოდ არ განხორციელდება).

2.1.9 მიმწოდებელი ვალდებულია განახორციელოს ნერგების სისტემური მონიტორინგი და დაზიანების ან მოპარვის შემთხვევაში დაუყონებლივ (წერილობით) აცნობოს შემსყიდველს და შესაბამის სამსახურს.

2.1.10 მიმწოდებელი ვალდებულია ნერგების გახმობის ან/და სხვა დაზიანების შემთხვევაში საკუთარი ხარჯებით დაუყონებლივ უზრუნველყოს მათი ანალოგიური ჩანაცვლება პირველივე არასავეგეტაციო პერიოდში.

2.1.11 მიმწოდებელი ვალდებულია, სამუშაოები, რომლებიც იწვევს მოძრაობის შეფერხებას, წინასწარ შეატყობინოს და შეათანხმოს შესაბამის სამსახურებთან.

2.1.12 მცენარეების მორწყვა განხორციელდება სარწყავი ქსელიდან. გამოყენებული წყლის ღირებულებას არ იხდის მიმწოდებელი.

2.2 პერსონალის სპეც. ტანსაცმლის მოთხოვნა:

2.2.1 შემსრულებელი ვალდებულია მომუშავე ყველა მუშა და ბრიგადირი საკუთარი ხარჯებით უზრუნველყოს დანართ N2-ში მოცემული ესკიზის იდენტური სპეც. ტანსაცმლით (ნახევარ-კომბინიზონი, ქურთუკი ზურგზე წარწერა - "გამწვანე შენი ქალაქი", კეპი, მაისური ზურგზე წარწერა - "გამწვანე შენი ქალაქი" გამოსახულებით, საწვიმარი ლაბადა ზურგზე წარწერა - "გამწვანე შენი ქალაქი" გამოსახულებით, ასევე ხუთთითიანი სამუშაო მორეზინებული ხელთათმანი), ხოლო მათი დაზიანების ან ცვეთის შემთხვევაში ჩაანაცვლოს ახლით.

2.3 შესყიდვის ობიექტის მიწოდების ვადა და ადგილი:

2.3.1 მიწოდების ვადა (დარგვა, მოვლა-პატრონობის მომსახურება): მცენარეების მიწოდება-დარგვა უნდა განხორციელდეს ეტაპობრივად, ხელშეკრულების გაფორმებიდან 2017 წლის 15 აპრილის ჩათვლით, ხოლო დარგული მცენარეების მოვლა-პატრონობა უნდა განხორციელდეს 2019 წლის 16 აპრილამდე.

2.3.2 მიწოდების ადგილი: ქალაქ თბილისი, მარშალ გელოვანის გამზირი.

2.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.4.1 ფასების ცხრილი დანართი №1-ის მიხედვით, რეკვიზიტების, წარმოშობის ქვეყნისა და სანერგე მეურნეობის მითითებით (ფასების ცხრილის წარმოდგენლობა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას).

2.4.2 მცენარის სახეობის დამადასტურებელი დოკუმენტი (მცენარის წარმოშობის, მცენარის იდენტურობის მათ შორის პარამეტრების და რაოდენობის მითითებით) (გაცემული შესაბამისი პროფილის მქონე ორგანიზაციის (შპს, სსიპ, ა(ა)იპ), სამეცნიერო კვლევითი ან საექსპერტო დაწესებულების მიერ).

2.5 ფასწარმოქმნის ადეკვატურობის დასაბუთება.

2.5.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას სანერგე მეურნეობასთან გაფორმებული ხელშეკრულება ან სანერგე მეურნეობის ინვოისი. აღნიშნულის წარმოდგენლობა ან/და არადადამკმაყოფილებელი ინფორმაციის შემცველი ცნობის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე - 11-მე-14 პუნქტებით განსაზღვრული წესები.

ხელშეკრულება
სახელმწიფო შესყიდვის შესახებ №3.1/30/

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში.

ქ. თბილისი

2017 წელი

1. ხელშეკრულების დამდები მხარეები

ერთი მხრივ ქ. თბილისის მუნიციპალიტეტის მერია, წარმოდგენილი ----- სახით (შემდგომში “შემსყიდველი”) და მეორე მხრივ „-----“ (შემდგომში „მიმწოდებელი“) სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია - ქალაქ თბილისში, მარშალ გელოვანის გამზირის შუა გამყოფ ზოლში დეკორატიული მცენარეების თანმდევი მომსახურებით (დარგვა, მოვლა-პატრონობის მომსახურება) სახელმწიფო შესყიდვა.

2.2 შესყიდვის საშუალება - ელექტრონული ტენდერი (აუქციონის გარეშე) , განცხადების №

2.3 ხელშეკრულების საერთო ღირებულება შეადგენს ----- ლარს, ყველა გადასახადის ჩათვლით.

2.4 კლასიფიკატორის კოდი: 03451100 - ნერგები, ჩითილები.

2.5 ხელშეკრულება ძალაშია მხარეთა მიერ ხელმოწერიდან 2019 წლის 30 ივნისის ჩათვლით.

3. შესყიდვის ობიექტის მიწოდების პირობები

3.1 მიწოდების ვადა (თანმდევი მომსახურებით - დარგვა): მცენარეების მიწოდება-დარგვა უნდა განხორციელდეს ეტაპობრივად, ხელშეკრულების გაფორმებიდან 2017 წლის 15 აპრილის ჩათვლით, ხოლო დარგული მცენარეების მოვლა-პატრონობა უნდა განხორციელდეს 2019 წლის 16 აპრილამდე.

3.2 შესყიდვის ობიექტის მიწოდების ადგილი: ქალაქ თბილისი, მარშალ გელოვანის გამზირი.

3.3 მიმწოდებელი ვალდებულია უზრუნველყოს საქონლის ტრანსპორტირება ისეთი სახით, რომ იგი დაცული იქნას დაზიანების ან გაფუჭებისგან.

4. შესყიდვის ობიექტის ხარისხი

4.1 მიმწოდებელი იღებს ვალდებულებას, რომ მიმწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

5. ხელშეკრულების შესრულების კონტროლი (ინსპექტირება)

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან ეტაპობრივად განახორციელებენ ქალაქ თბილისის მუნიციპალიტეტის მერიის ეკოლოგიისა და გამწვანების საქალაქო სამსახურის თანამშრომლები.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმომადგენენ წინამდებარე ხელშეკრულების მე-5 მუხლის 5.4 პუნქტში მითითებული პირები).

6.2 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2017, 2018 და 2019 წლების ბიუჯეტის სახსრებით, ფაქტიურად მიწოდებული შესყიდვის ობიექტის შესაბამისად, მიღება-ჩაბარების აქტის გაფორმებიდან 10 სამუშაო დღის განმავლობაში.

7.3 ხელშეკრულების პირობების დარღვევის შემთხვევაში, მიმწოდებელზე დაკისრებული ჯარიმის ანაზღაურებამდე, შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე ჯარიმის გადახდის შემდეგ.

7.4 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ნერგზე ხელშეკრულებით გათვალისწინებული შესაბამისი ნერგის ღირებულების 5 %-ის ოდენობით.

8.3 ხელშეკრულებით ნაკისრი ვალდებულებების შესრულების ვადის, მათ შორის შემსყიდველის კონკრეტული დავალებით განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,5 %-ის ოდენობით.

8.4 თუ შემსრულებელი მოვლა-პატრონობის პერიოდში ჯეროვნად (ხარისხიანად) ვერ ან არ ახორციელებს ფასების ცხრილით გათვალისწინებულ აგრო-ტექნიკურ ღონისძიებებს (**ჯამების მოწყობა და გაფხვიერება, მორწყვა, სასუქის შეტანა, შეწამვლა, ნიადაგის ნოყიერი ნაზავის შეტანა, ნარჩენების გატანა, გასხვა-გაკრეკვა, ფორმირება და სერტიფიცირებული სასუქის შეტანა**) მიმწოდებელს დაეკისრება ჯარიმა შესაბამისი მომსახურების ჯამური ღირებულების 0.005 %-ის ოდენობით ყოველ ვადაგადაცილებულ დღეზე.

8.5 ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 5 %-ის ოდენობით.

8.6 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

8.7 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო, მიმწოდებლისათვის ჩასარიცხი თანხის 0,5%-ის ოდენობით, ყოველ ვადაგადაცილებულ დღეზე.

8.8 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) შემსყიდველის მიერ მიცემული დავალებით განსაზღვრული ვადის 5 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას მათ შორის, შესაბამისი წლის ადგილობრივი ბიუჯეტით არ იქნება გათვალისწინებული აღნიშნული სახელმწიფო შესყიდვისათვის საჭირო ფინანსური რესურსი.

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. უფლებების გადაცემა

12.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

12.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

12.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ღირებულება

13.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

13.2 მხარეთა შეთანხმებით დასაშვებია ხელშეკრულების ღირებულების შეცვლა.

13.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

13.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებ ისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით,

სადაც გაგზავნილი შეტყობინება/დაკვეთა ჩაითვლება ოფიციალურ დაკვეთად. შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. ამასთან ტელეფონით დაკვეთის შემთხვევაში მიმწოდებელს 24 საათის განმავლობაში ჩართული უნდა ჰქონდეს 14.2 პუნქტში მითითებული მობილური და ქალაქის ტელეფონის ნომრები.

14.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: ტელეფონის ნომერი ----- (ორი მობილური ტელეფონის და ერთი ქალაქის ტელეფონის ნომერი); საკონტ. პირი ბ/ქ-ნ -----, ელექტრონული ფოსტა: -----; ფაქსი (არსებობის შემთხვევაში): -----.

ბ) შემსყიდველის შემდეგი რეკვიზიტები: ტელეფონის ნომერი -----; საკონტ. პირი პირი ბ/ქ-ნ -----, ელექტრონული ფოსტა: -----.

14.3 ხელშეკრულებაში მოწაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

14.4 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზე, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

15.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16.4 ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5 ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

17. მხარეთა იურიდიული რეკვიზიტები

შემსყიდველი:

მიმწოდებელი:

ფასების ცხრილი

პრეტენდენტის დასახელება -----

№	მცენარის დასახელება და სამუშაოების ჩამონათვალი (პრეტენდენტის მიერ მითითებულ უნდა იქნა მცენარის წარმოშობის ქვეყანა და სანერგე მეურნეობა)	რაოდენობა/ განზომილება	ჯერადობა			ერთეულია ღირებულება (ლარი)	ჯერადობა			საერთო ღირებულება (ლარი)
			2017	2018	2019		2017	2018	2019	
1	ლეილანდის კვიპაროსი cupressocyparis leilandii goldrider globe დიამეტრი MIN 0,60-0,80მ(ბურთის ფორმის); კონტეინერის ან კომის მოცულობა MIN. clt 40- 60 ლ	150 ძირი	1	0	0					
2	ტუია აღმოსავლური thuya occidentalis „smaragd“ სიმაღლე MIN 1,50-1,70მ. კონტეინერის ან კომის მოცულობა MIN.clt.35 (კონუსის ფორმის)	150 ძირი	1	0	0					
3	ფოტინია photinia fraseri „red robini“ სიმაღლე MIN 1,50-1,70მ. კონტეინერის ან კომის მოცულობა MIN.clt.35 გარშემოწერილობა MIN 1,20 მ (კონუსის ფორმის)	300 ძირი	1	0	0					
4	ირმის რქა lagerstroemia indica სიმაღლე MIN 1,50-1,70მ; ერთ ძირზე , ვარჯი MIN.6-8 დატოტვილი ღეროთი; კონტეინერის მოცულობა MIN.clt.35	30 ძირი	1	0	0					
5	ნიადაგის ნოყიერი ნაზავის (მიწა, ტორფი, კვიშა, აგროპერლიტი, ნაკელი) შეტანა	25 მ³	1	0	0					
6	ორმოს ამოღების შედეგად წარმოქმნილი და არსებული ნარჩენების გატანა	45 მ³	1	0	0					
7	მცენარეების ჯამების მოწყობა და გაფხვიერება	630 ძირი	4	4	2					
8	მცენარეების მორწყვა (ძირზე 20 ლიტრი)	630 ძირი	20	22	2					
9	მცენარეების შეწამვლა	630 ძირი	1	1	1					
10	მცენარეების გასხვლა-გაკრეჭა, ფორმირება	600 ძირი	4	5	1					
11	სერთიფიცირებული სასუქის შეტანა	630 ძირი	1	1	1					

შენიშვნა: სატენდერო წინადადების ფასში პრეტენდენტმა საქონლის მიწოდებასთან ერთად უნდა გაითვალისწინოს შესყიდვის ობიექტის მიწოდებასთან დაკავშირებული ყველა ხარჯი (ტრანსპორტირება და სხვა) და გადასახადი.

პრეტენდენტის ხელმოწერა ----- ბ.ა

ესკიზი

